

Whakaetanga Toha Pārongo Whakaetanga Puka Ārahi

Te whakakorenga o te wā whakamōhio mō te utu
i ngā utu tautoko tamariki hei whiwhinga moni





He whakatakinga

Ko ngā utu tautoko tamariki mā ngā mātua takitahi whai penihana e whiwhi ana i tētahi penihana matua i Te Manatū Whakahiato Ora (MSD) e pupuru ana i tēnei wā tonu nei i te Kāwanatanga hei kīnaki i ā ratou utu penihana.

Mō ngā utu tautoko tamariki mō te wā e tīmata ana hei te 1 o Hūrae 2023 ki tua atu, ko ngā utu tautoko tamariki ka tuku kau atu ki ngā mātua takitahi¹. Ko te tikanga, ko ngā kiritaki a Te Manatū Whakahiato Ora e whiwhi ana i te utu tautoko tamariki, tēnā pea ka panonitia ā rātou whiwhinga moni i a Te Manatū Whakahiato Ora e tika ai tēnei tāpiriringa moni.

Kei te hiahia a Te Manatū Whakahiato Ora me Te Tari Taake kia whakangāwari ake tēnei mā ngā kiritaki a Te Manatū Whakahiato Ora, kia mimiti iho ngā raruraru nama kiritaki me te toimahatanga mā ngā kiritaki ki te whakapuaki i ā rātou whiwhinga moni. E mahi ai tēnei, ka namahia e Te Manatū Whakahiato Ora te utu tautoko tamariki hei whiwhinga moni mō te take penihana, i te wā tonu nei, e ai ki ngā kōrero nā Te Tari Taake i raro iho i te Whakaaetanga Toha Kōrero (AISA). I uru tuatahi mai te AISA i te tau 2017 e mana ai te tohangā kōrero.

Mō ngā take o te AISA, e kimi ana a Te Manatū Whakahiato Ora kia whakakoreea te herenga kia whakarato i te whakamōhiotanga kia 10 ngā rā mahi (te wā whakamōhio) mā te tangata ki te whakahē i ngā kōrero mōhiohio whaiaro i te wā e pā ana te kōtonga (pēnā e heke ana, e kati ana rānei te penihana) ki a ia e ai ki ngā mōhiohio whaiaro. Ko te whakakorenga o tēnei herenga, ko te otinga iho, tēnā pea mā Te Manatū Whakahiato Ora e nama te utu tautoko tamariki hei whiwhinga moni ki te wā tata tonu ake nō te wā i whakawhiwhia ai, nā konei e karo ai ngā utu-āpitihanga o ngā penihana e mahia ana, ā, e mimiti ai kia noho nama ngā kiritaki. Ka hāngai tēnei whakaorenga ki ngā pārongo tautoko tamariki ka tohaina i raro i te AISA anake.

¹ Ko te tautoko tamariki e tukua kētia ana ki ētahi atu kaipenihana, pēnei me ngā hoa kua piri tahi anō e manaaki tamariki ana i tētahi atu hononga, ā, e here ana i tēnei wā te tauākītia ai ā rātou moni utu

Uiuinga

E whakahaere ana a Te Manatū Whakahiatoa Ora me Te Tari Taake he uiuinga tūmatanui mai i te 20 o Hūrae ki te 17 o Ākuhata 2022, kia rongo mai i ngā whakahokinga kōrero mō tēnei panonitanga kia whakarerekēhia te AISA e taea ai te whakakore i te wā whakamōhio.

Kāore te uiuinga e kapi ana i te Kaupapa Tuku Tautoko Tamariki.

E whakarato ana te puka nei he kōrero tūāpapa me ngā taipitopito mō te whakakorenga o te wā whakamōhio, ā, ko tāna he tautoko i a koe kia tuhia mai he tāpaetanga, kia whakaoti atu rānei i tā mātou uiui ipurangi.

Me pēhea e whakahoki korero mai

Ka kitea te uiui ipurangi ki:

- consultations.msd.govt.nz/aisa/amendment

E taea ana ngā tāpaetanga mā te:

- īmēra AISAAmendment_consultations@msd.govt.nz
“Submission on proposed AISA amendment” in the subject line

• tuku mai ki:
Ministry of Social Development
AISA Amendment
P O Box 1556
Wellington 6140
New Zealand

E tonoa ai pea ngā tāpaetanga i raro i te Ture Pārongo Ōkawa 1982, nā tenei e tāia ai otia, ki te whai take te tāpaetanga (tōna katoa, t/ētahi wāhangā kau pea o roto) e kore ai e whakakorea. I te korenga o ngā urupare nā ta matataputanga te take, tētahi take atu anō rānei, e whakatauhia ai e hāngai ana ki te Ture.

Ki te whakaaro koe ko tētahi wāhangā o tō tāpaetanga e pupuri tika ai i raro i te Ture, tēnā āta tautohua mai.



Tōna putake

Ko te panonitanga AISA kia whakakorea te wā whakamōhio he āpitihanga ki te Kaupapa Tahua 2022 kia tuku ai ngā utu tautoko tamariki ki ngā matua takitahi whai penihana, ā, e hāngai ana ki ngā kōrero tautoko tamariki e tohaina ana e Te Tari Taake ki a Te Manatū Whakahiao Ora.

Te tuku tautoko tamariki

Ka ahatia ināiane?

I tēnei wā nei, e kohikohia ana ngā utu tautoko tamariki e Te Tari Taake mā ngā mātua takitahi whiwhi penihana, ā, ka kore e utu i te matua, te whaea, te kaitiaki rānei otia ia, he nui atu te moni utu i tā te kiritaki pāpātanga penihana. Otia, tā te Kāwanatanga he pupuri i te utu tautoko tamariki e taurite ai te utu mō ā rātou utu penihana².

Nā tēnei e whai taumahatanga ki ngā whanau he mātua takitahi kei te taumata o raro o te whiwhi moni, ā, i konei e puta ai te tōkeke kore mō te āhua whakatoihara o ngā mātua takitahi whai penihana me ētahi atu kaiwhiwhi penihana ana.

He aha rā e panoni ai?

Kua whakapuaki te Kāwanatanga ko ngā utu tautoko tamariki e kohia ana e Te Tari Taake (mā roto mai i ngā aromatawai ā-tātai, ngā whakaritenga tūao rānei) mō ngā wāhanga mai i te 7 o Hūrae 2023, e tuku tonu atu ki ngā mātua penihana takitahi. Ka namahia anō ngā utu tautoko tamariki hei te wā tūturu e whakatau ai te nui o te tautoko ā-moni e utua ana i raro i te Ture Whakamau Poringa 2018.

Mā tēnei e:

- rahi pai ake ngā whiwhinga moni ki ngā mātua takitahi kei ngā whiwhinga moni o raro rawa;
- whakatutuki i tā te Rōpū Mātanga Tohutohu (WEAG) taunakitanga kia tuku atu he tautokona tamariki (taunakitanga 27³); ā
- whakamimiti i te pōharatanga tamariki.

Kia whakangāwarihia te tukanga me te whakamimiti raruraru ā-nama

Arā noa atu ngā take kōrero hei whakatūturu i tēnei mea te tautoko tamariki e utua ana hei whiwhinga moni i runga i te ngāwari, tika hoki kia whakamimiti iho tēnei mea te raruraru ā-nama, waihoki kia whakamimiti anō i te toimahatanga ki ngā kiritaki a Te Manatū Whakahiao Ora kia tauākitia tonu ā rātou utu tautoko tamariki.



E whakatutuki ai i tēnei:

- ko ngā utu tautoko tamariki e utua ana hei whiwhinga moni mō ngā take penihana hei te wā tata tonu ake e whakawhiwhi ai ā rātou moni utu tautoko tamariki, ā
- e hiahia ana kia whakakorea i raro i te here Ture Matatapu kia whakarato ai he wā whakamōhio i mua i te mahi tūtuhutanga kōtonga. Mā te whakakorenga nei a Te Manatū Whakahiao Ora e tono utu tautoko tamariki tata rawa ki te wā ka whiwhi te kiritaki i te utu tautoko tamariki.

Nō reira, ko te whakakorenga o te wā whakamōhio he herenga matua kia koke whakamua ai te Kaupapa Tahua 2022 kia tuku utu tautoko tamariki ki ngā mātua takitahi whiwhi penihana, ā, ka tonoa te utu tautoko tamariki hei whiwhinga moni i roto i te wā wawe e taea ana.

² E tuku ana te tautoko tamariki, ka mutu, e mea ana he whiwhinga moni mō ētahi kaipenihana, pēnei me ngā hoa kua piri tahi anō me ngā mātua e whiwhi kau ana i ngā moni tautoko āpiti

³ Ka taunaki anō a WEAG kia tuku atu te tautoko tamariki mō te hunga kaiwhiwhi Penihana Tautoko Kore Tamariki, ā, kāore e mea ana ki roto i tēnei kaupapa here. E whakaaro hia ana tēnei e Oranga Tamariki – Te Manatū mā Ngā Tamariki hei wāhanga anō ki a rātou mahi



Te whakakore i te wā whakamōhio

Te tāpaetanga hukihuki hei panonitanga ki te AISA

E tāpaetanga ana ko te kape hukihuki rārangi āpitī e tāpirī atu ai ki te AISA e ora kē ana, a Te Tari Taake me Te Manatū Whakahiato Ora. Ko ngā kupu whakamutunga o tēnei rārangi āpitī 6(ca) e whakaae ai nō muri atu i te uiui tūmatanui.

Ka tāpirī atu te kōwae i raro iho i te rārangi 6 o te AISA – Ngā Mahi Kōtonga

- a. Ka whakaae ngā Rōpū mā Te Manatū Whakahiato Ora e tuari me te whakamōhiotanga māraurau i raro i te 96Q⁴, ā, ko ngā Mōhiohio Whaiaro i raro i tēnei Whakaaetanga e mahia nei hei:

- i. utu ai i ngā utu tautoko tamariki hei whiwhinga moni mō ngā take penihana, ko te otinga he whakamimititanga, he whakatārewa rānei o te penihana.

Me pēnei Te Manatū Whakahiato Ora: nō muri tonu atu i te whakataunga kia whakamimiti, kia whakatārewa rānei i tētahi Utu Whāiti, kia whai i ngā tikanga whai take whakamōhio atu ki te tangata:

- ii. Whakarato i ngā taipitopito o ngā panonitanga ki te penihana.
- iii. Whakaatu ki te takitahi kua panonitia te Utu Tautuhi.
- iv. Tuku tohutohu ki te takitahi ki tāna tika tangata kia tātaringia me te wero atu ki te whakatau a te Manatū.
- b. Ko Ngā mahi Kōtonga e taea pea e ngā Rōpū i raro i tēnei whakaaetanga e tautohua ana i raro i te Apitihanga 2.
- c. Heoi anō ngā rārangi āpitihanga 6(a) – 6(d) kei runga ake, ka kore e taea te whai e ngā Rōpū he Mahi Kōtonga nā te toha Pārongo te take i whakatakotohia i roto i te rārangi āpitihanga 2(e) (mō ngā tāpaetanga kaupapa here).

Te tohatoha pārongo

Kua whai whakaaetanga a Te Manatū Whakahiato Ora me Te Tari Taake nō te tau 2017 kia āhei te tohatohanga o ngā pārongo. Ko Te Tari Taake me Te Manatū Whakahiato Ora e tohatoha pārongo ana nā te mea he haepapa tahi ā ngā tari mō te whakahaeretanga o ētahi mahi Kaupapa here poringa (pēnei me te Mahi mā ngā Whānau āpitihanga taake). Mā tēnei AISA e āhei ai ngā umanga ki te tohatoha pārongo mō ngā take, me ētahi atu take anō, kia arotakengia te māraurautanga mō ngā penihana me ngā moni tāpiri.

E whakaae ana te AISA mō te tohatohanga o ngā pārongo utu tautoko tamariki me te whakataurite kiritaki, ā, nā konei e utua ana hei whiwhinga moni mā ngā kiritaki katoa.

E tohua ana te AISA kia whakarato ai ngā umanga ki ngā kiritaki katoa kia 10 ngā rā mahi whakamōhio e āhei ai ngā kiritaki a Te Manatū Whakahiato Ora ki te whakahē i te tika o ngā mōhiohio whaiaro ina puta mai ana he mahi kōtonga (pēnei me te whakamimititanga, te katinga rānei o te penihana a tetahi) ki ēnei mōhiohio whaiaro e toha ana i raro i te whakaaetanga.

Ko te kaupapa Tuku Tautoko Tamariki e hua ai ko te tautoko tamariki e utua ana hei whiwhinga moni i te wā tonu mō ngā take penihana, ā, e whakamahia ana ngā pārongo e tohaina ana i waenga i Te Manatū Whakahiato Ora me Te Tari Taake. Mā Te Manatū Whakahiato Ora e whakataurite ngā pārongo o ngā utu tautoko tamariki i whakawhiwhi i a Te Tari Taake, ā, e utua ai te moni utu hei whiwhinga moni ki ngā rekoatatanga a te kiritaki.

4 Kia mōhio rā ki te wāhanga 96Q o Te Ture Matatapu 1993 kua riwhitia ki te wāhanga 152 o Te Ture Matatapu 2020

Te Take

Kei te hiahia a Te Manatū Whakahiato Ora me te Tari Taake kia whakangāwari te tukanga tono utu tautoko tamariki hei utu whiwhinga moni mā ngā kiritaki kia whakaheke i ngā nama me te whakaheke anō i te toimaha ki ngā kiritaki a Te Manatū Whakahiato Ora i a rātou e whakatau ana i a rātou whiwhinga moni.

E taea ai, ka tohaina haerehia e Te Manatū Whakahiato Ora me Te Tari Taake ngā pārongo mō ngā utu tautoko tamariki hei whiwhinga moni tata ki te wā ka whiwhi te kiritaki i ngā utu tautoko tamariki. Mā Te Manatū Whakahiato Ora ngā utu tautoko tamariki e tapa hei whiwhinga moni tata rawa ki te wā ka whiwhi te kiritaki i ngā moni tautoko tamariki, ā, ka whakakorehia te wā pānui e taea ai te pērā.

Ko te AISA e kāwana ana i ēnei pūrongo e tāpiri ana hoki ko te tohutohu i te Ture Matatapu e tohu ana kia tuku ki ngā kiritaki Te Manatū Whakahiato Ora he wā pānuitanga o ngā rā 10 o tētahi kōtonga, inā ia e tohaina haerehia ana mā ngā pūrongo mā te AISA. Hei tauira o ngā kōtonga, te whakaheke i ngā utu penihana nā te whiwhinga moni i ngā utu tautoko tamariki.

Ko te pupuri i te wā pānui pea ka whakararu i ngā kiritaki a Te Manatū Whakahiato Ora mā te haupū nama. Ka pēnei ai nā te takaroa o te wā pānui i te wā ka mana ngā utu tautoko tamariki hei whiwhinga moni. Ka takaroa pea te utu tautoko tamariki i ngā wiki e rua nō muri atu i te whiwhinga o ngā moni tautoko tamariki, kaua ko te aronga atu ki te moni hei whiwhinga moni tata ki te wā ka whiwhi te kiritaki i tāna utu. Nā konā ka kore te utu penihana a te kiritaki e mauru, ā, ka kore hoki te utu tautoko tamariki e hāngai. Ka ara mai pea he nama ki te kiritaki a Te Manatū Whakahiato Ora.

Ko te āki a Te Manatū Whakahiato Ora me Te Tari Taake kia whakatikaina te AISA kia whakakorehia tēnei tohutohu ki ngā kiritaki a Te Manatū Whakahiato Ora i ngā rā 10 o te aranga mai o tētahi kōtonga, inā ia he kōtonga kua whakamāramahia atu mā roto i te AISA. Ka hāngai noa tēnei whakakorenga ki ngā utu tautoko tamariki mā Te Tari Taake kua mana kē hei whiwhinga moni mō te penihana te take.

Mā te pēnei ka noho ngā utu tautoko tamariki hei utu whiwhinga moni tata ki te wā ka whiwhi te kiritaki i tāna utu tautoko tamariki. Kia kaupare i ngā nama a ngā kiritaki Te Manatū Whakahiato Ora, ka noho utu tōmua ngā utu tautoko tamariki kua tohaina mā te toha pārongo, kaua hei utu tōmuri.

Mā konā ka māmā ake te tuku i ngā moni tautoko tamariki, ka whakakorehia te nama kiritaki, me te whakaheke i te toimaha ki a ngā kiritaki a Te Manatū Whakahiato Ora i a rātou e tauākītia ana ā rātou utu tautoko tamariki hei whiwhinga moni nō Te Tari Taake.

Ko te pikitia ki raro nei e whakaatu atu ana i te tukanga ka whāia kia tonoa te utu tautoko tamariki hei whiwhinga moni me te korenga o te wā whakamōhio, ā, ko te pikitia tuarua e whakamāramahia atu ana ngā pātanga o te wā whakamōhio ki te kiritaki.



Ka utu i te Tautoko Tamariki hei whiwhinga moni me te kore wā whakamōhiohio

20 Hūrae	21 Hūrae	26 Hūrae	23 Ākuhata	
Wiki 0 Kāore he whiwhinga moni ka namahia. Tā Sam whiwhinga moni \$585.95 utu moni penihana + \$200 Tautoko Tamariki	Wiki 1 \$50 o te tautoko tamariki ka namahia hei whiwhinga moni. Ka whakamimiti ngā penihana a Sam i te \$25 ka whiwhi ai a ia i te \$560.95	Wiki 2 \$50 o te tautoko tamariki ka namahia hei whiwhinga moni. Ka hakamimiti ngā penihana a Sam i te \$25 ka whiwhi ai a ia i te \$560.95	Wiki 3 \$50 o te tautoko tamariki ka namahia hei whiwhinga moni. Ka whakamimiti ngā penihana a Sam i te \$25 ka whiwhi ai a ia i te \$560.95	Wiki 4 \$50 o te tautoko tamariki ka namahia hei whiwhinga moni. Ka hakamimiti ngā penihana a Sam i te \$25 ka whiwhi ai a ia i te \$560.95
Alex, ko te matua nōna te haepapa ka utua te \$200 Tautoko Tamariki ki Te Tari Taake ka tuku ai a Te Tari Taake te tautoko tamariki ki a Sam	Me ngā pārongo ka tohaina, ka whakamōhio atu a Te Tari Taake ki a Te Manatū Whakahiato Ora mō te moni utu \$200 , ā, ka whakahāngai ai ki tā Te Manatū Whakahiato Ora rekotatanga o Sam	Ko te utu moni Tautoko Tamariki a Sam \$200 e namahia ai ki tāna penihana me te tautoko āpiti mō ngā wiki e whā te haere ake, arā hei \$50 whiwhinga moni mō ia wiki e whā te haere ake nei.		

Ka namahia te Tautoko Tamariki hei whiwhinga moni me te wā whakamōhiohio

20 Hūrae	21 Hūrae	9 Ākuhata	23 Ākuhata
Wiki 1 Kāore e namahia ana he whiwhinga moni. Ko te penihana \$585.95 + \$200 Tautoko Tamariki =785.95	Wiki 2 Kāore e namahia ana he whiwhinga moni. Tā Sam whiwhinga moni penihana \$585.95	Wiki 3 50 o te tautoko tamariki ka namahia hei whiwhinga moni. He nama ka tāpirihia, e \$50 te nui. Ka whakamimiti te penihana o Sam i te \$25 ka whakawhiwhia ki te \$560.95	Wiki 4 50 o te tautoko tamariki ka namahia hei whiwhinga moni. Ka whakamimiti te penihana o Sam i te \$25 ka utu a Sam i te \$5 ki tāna nama ki a Te Manatū Whakahiato Ora ka whiwhi ai ia ki te \$555.95
Te 10 rā wā whakamōhiohio			
Alex, ko te matua nōna te haepapa ka utua te \$200 Tautoko Tamariki o Sam ki tāna penihana me te tautoko āpiti mō ngā rua wiki ka taha me ngā rua wiki te haere ake. Ko tāna penihana mō ngā rua wiki ka taha ka nui atu te moni utu, ā, he nama \$50 kua tāpirihia.	Mā ngā pārongo ka tohaina ka whakamōhio a Te Tari Taake ki a Te Manatū Whakahiato Ora mō te moni utu \$200, ā, ka whakahāngai ki tā Sam rekoata o Te Manatū Whakahiato Ora. Ka whakamōhio e Te Manatū Whakahiato Ora i a Sam ka whakamitmi iho tāna penihana i te \$25 i ia wiki, ā, e 10 rā mahi tā Sam ki te urupare. .		

Ka pēhea a Te Manatū Whakahiato Ora e kawe tika ai i ngā pārongo tika?

Mā te whakakore i te wā whakamōhio e kore ai Te Manatū Whakahiato Ora e hē i ngā tono tautoko tamariki hei whiwhinga moni.

Ko ngā whakahaumarutanga e whai ake nei ka ara mai kia kaupare atu i ngā hēnga i ngā pārongo e tūhono ana me te tono utu tautoko tamariki i taua wā tonu.

- I mua o te whakarewatanga, ka rauiritia ngā raraunga¹ hei āwhina kia tūhono tika i ngā pāpātanga i waenganui i Te Manatū Whakahiato Ora me Te Tari Taake².
- Me tūhono tika ngā pārongo a Te Tari Taake me Te Manatū Whakahiato Ora ki ngā tautohunga maha i te rekoata a te kiritaki a Te Manatū Whakahiato Ora i mua i te mana a Te Manatū Whakahiato Ora i ngā utu tautoko tamariki hei whiwhinga moni. Ki te hē tētahi o ngā hononga ka arotakehia ngā pārongo e te tangata.

Te tuku pātai mō te panonitanga o ngā utu penihana nā te utu tautoko tamariki

Ko ngā whakahaumarutanga e whai ake nei ka whakapuakina kia whai wā Te Manatū Whakahiato Ora ki te matai i ngā panonitanga i hua mai ai i te utu tautoko tamariki hei utu whiwhinga moni:

- Mā Te Manatū Whakahiato Ora ngā kiritaki e whakamōhio inā panoni ai ngā utu penihana nō muri i te tūhonotanga o ngā pārongo a Te Tari Taake ki te rekoata kiritaki utu tautoko tamariki i Te Manatū Whakahiato Ora.
- Ka whiwhi pānui te nuinga o ngā kiritaki i mua i te utu i a rātou penihana³.
- Mā Te Manatū Whakahiato Ora me Te Tari Taake te tukanga māmā e whakaatu kia taea ai e te kiritaki te uiui atu e pā ana ki ngā panonitanga ki a rātou penihana nā te utu tautoko tamariki. Mā konā ka wawe te mahi tahi a ngā umanga ki te whakatika i ngā hēnga.
- Ka taea e ngā kiritaki a Te Manatū Whakahiato Ora ki te whakapā atu ki Te Manatū Whakahiato Ora mā ngā ara maha ki te tuku pātai mō a rātou utu penihana. Ki te puta mai tētahi hēnga, ka tautohua, ka wawe hoki te whakatikatanga. Ki te noho nama te kiritaki, ka utua ia hei te rangi whai atu, nō muri i te whakatikatanga o te hēnga.
- Kei ngā kiritaki a Te Manatū Whakahiato Ora te mana ki te arotake i ngā whakataunga katoa e hāngai ana ki te tautāwhi moni mā ngā tukanga arotake⁴.
- Ki te whai take, ka wātea ki ngā kiritaki a Te Manatū Whakahiato Ora tētahi ratonga rauoranga hei tautoko i a rātou mā te tari whakapā o Te Manatū Whakahiato Ora, ki te tari whakarato rānei.

¹ Ko te whakamātanga raraunga he mahi kia whakatikatika i ngā raraunga ki te kore e tika ana, hei tauira, mēnā rā e kino ana te mahi hōputu, kua mōnehu, kua tāruatia, kua rekoata hē rānei Ko te whakamātanga raraunga he mahi kia whakatikatika i ngā raraunga ki te kore e tika ana, hei tauira, mēnā rā e kino ana te mahi hōputu, kua mōnehu, kua tāruatia, kua rekoata hē rānei

² Ko te whakarite raraunga maha ko te whakahāngaitanga nui atu o ngā raraunga ki tērā o te tātaringa ā-ringa tonu i ngā kaimahi kia whakaotī pai i te whakahāngaitanga

³ Ko ngā tōmuritanga whakamōhiotanga e puta ai nā te tōmuritanga ā-ratonga mēra, hei tauira hei ētahi wā ka tuku ai a Te Manatū Whakahiato Ora me te whakawhihi pārongo tautoko tamariki i Te Tari Taake i te Taite

⁴ <https://www.workandincome.govt.nz/about-work-and-income/complaints/review-of-decisions.html>

Ngā whanaketanga

Nō muri atu i te uiui whānui, ka whakaemi i ngā hua kōrero ki tētahi pūrongo mō te Minita o te Whanake Poringa me te Ahumahi me te Minita o Te Tari Taake kia whakatau i ngā whanaketanga me te whakahāngaitanga o te AISA.





**MINISTRY OF SOCIAL
DEVELOPMENT**
TE MANATŪ WHAKAHIAITO ORA



Inland Revenue
Te Tari Taake